

莊  
子  
通  
義

莊子卷第五 參元朱得之傍

附錢塘褚伯秀

外篇

雲谷王潼錄校刊

天地第十二

天地雖大其化均也運不偏萬物雖多其治一也自安之惜無異人

卒雖衆其主君也君原於德而成於天人心之同然故曰

玄無古之君天下无爲也所天德而已矣以道觀

言而天下之君正以道觀分而君臣之義明

以道觀能而天下之官治以道汎觀而萬物

之應備。故通於天地者。德也。行於萬物者。道

也。上治人者。事也。能有所藝者。技也。技兼於

事。事兼於義。義兼於德。德兼於道。道兼於天。

故曰。古之畜天下者。无欲而天下足。无爲而

萬物化。淵靜而百姓定。記曰。通於一。而萬事

畢。無心得。而鬼神服。

**通義**

此篇論君道也。化均。卽含萬物所受而

言其主君也。言人心本知。是非從違。尊卑之

義。蓋天下之君。皆本之吾心。自然愛敬順從

之機而立者。卽出言善。則天下從。可見君道

乃人心之固。有者玄者玄。理玄德玄。聖凡皆

極者。皆可名玄。義卽藝就事曰藝。就心曰義。

以位而服人以能而善器亦止爲事與技非  
道德也必其器足以協用治由於慊心是乃  
本於道德而合於天然之物理也一者生生  
之本也通於一則萬感皆此一矣又何有於  
事非曰萬事不過一理以貫通之也無心於  
得無慾也猶曰不計功不謀利蓋鬼神情狀  
無慾無求我能無慾無求則  
與鬼神合德彼豈不服哉

**壽**

天地至大人物至衆其化其治不知其

幾而主之者君則夫君之應世豈偶然哉原  
於德故物不能離成於天而人自歸往其道  
微妙強名曰玄是以古之君天下者無爲而  
德合自然所以可久可大其出言作命莫不  
聽從以道觀言而言合乎道則君無不正以  
道觀分而分合乎道則義無不明以道觀能  
而能合乎道則官無不治以道汎觀而物合  
乎道則應無不備由是知天下事物苟離乎  
道未有能自立者通於天地者德以德與天

地合也行於萬物者道以道通乎物也凡以  
治人爲上縱意乎刑政賞罰皆事而已況以  
藝能而入於技其去道德益遠矣古之善畜  
天下者無他無欲而天下自足無爲而萬物  
自化心如淵水之靜撓之而不濁也民惡得  
而不定哉又舉古書有云通於一萬事畢此  
老君西昇告尹喜之言無心得而鬼神服卽  
易所謂天且弗違而況於人乎況於鬼神乎

夫子曰夫道覆載萬物者也洋洋乎大哉君

子不可以不刳心焉虛受無爲爲之能虛心則之謂天無爲

言之之謂德愛人利物之謂仁不同同之之

謂大行不崖異之謂寬有萬不同之謂富故

執德之謂紀德成之謂立循於道之謂備不

以四善至者

以物挫志之謂完。君子明於此十者，則韜乎起大

其事心之大也。起通沛乎其為萬物逝也。若然者，

藏金於山，藏珠於淵，不利貨財，不近富貴，不

樂壽，不哀夭，不榮通，不醜窮，不拘一世之利，

以為己私分，不以主天下為己處顯，顯則明，

萬物一府，死生同狀。何利顯之有

通義此申上節言道不可離之意。觀後篇問

老聃者，則此夫子亦孔子也。割心畜道十德

無歎，則萬象森然。往來無異矣。呼而應，問而

答，皆無為言之之謂性靈內蘊而不顯。曰韜

包括宇宙而不遺，曰大事。心者敬奉天君而

萬物之所歸順也。命來之藏各安其所也。顯則明三字衍文。強爲之解。顯承十德完者言。能如此則此中明白洞達。無一毫形骸。故能見萬物一府云云。事心之義。知其非頭上安頭之疵。正與上文剗心上節無心之旨相貫。斯得矣。

**義海**

天地非能覆載。所以覆載者道也。聖人

非能爲衍言。所以爲言者道也。洋洋乎大哉。謂道無不在。然非剗心使虛。則無以容道。室虛而後生白也。天道無爲。爲以自然。人能以無爲而爲。則合乎天道。以無言而言。則謂之天德。施之於外。則愛利之無方。謂之物不同而視者。一則所有者。六行不異。物非寬而何萬物不齊。吾悉有之。可謂富矣。執德循有所持。德成則不待乎持。由有紀而後能立也。順於道而大備。物孰能挫其志哉。信明斯理。則此心足以韜藏萬事。與物偕往。事物無極。與之無極。是謂與化爲人。斯能化人矣。

金珠無用藏於山淵貨財富貴皆爲外物則  
壽夭窮通又孰得而患之不以一世之利爲  
已私忘利也不以王天下爲處顯忘名也然  
所顯者在明乎萬物一府死生同狀耳萬物  
一府則無彼我之分死生同狀則無去來之  
累此剗心之極致歟郭氏從顯則明爲句後  
來諸解多因之似與下文不貫無隱  
范先生連下文爲句義長今從之

夫子曰夫道淵乎其居也濇乎其清也金石

不得无以鳴故金石有聲不考不鳴萬物孰

能定之夫王德之人素逝而恥通於事立之

本原而知通於神故其德廣其心之出有物

採之故形非道不生生非德不明存形窮生

莊子  
浩然齋  
道義卷五  
四  
文



立德明道。非王德者耶。蕩蕩乎。忽然出。勃然  
動。而萬物從之乎。此謂王德之人。視乎冥冥。  
聽乎無聲。冥冥之中。獨見曉焉。無聲之中。獨  
聞和焉。故深之又深。而能物焉。神之又神。而  
能精焉。故其與萬物接也。至无而供其求。時  
騁而要其宿。大小長短修事物遠地

**通義**夫子亦孔子道本虛無體物不遺欲見  
其極則淵乎無底欲窺其朕則澄然無滓然  
卽金石非道不具有聲之性可以見無物之  
不體也至於金石雖有聲非人考擊則聲不  
發是人之考金石亦道之所體也觀此則萬  
物之能天平人乎彼乎此乎不可定也夫體

道者王德之人也素其位而行素逝也不  
乎其外恥通於事也惟立於性天之機而無  
一塵之擾所以虛靈與鬼神無間故其德與  
天地同流凡其有應而出之者必有物以感  
之非無感而先應也由是觀之萬物之形非  
道不生其生非德不明如金石之鳴德也金  
石無聲孰知其爲金石考金石德也人不考  
焉孰見人之能又孰見金石之德所以王德  
者務存其形盡有生之常分以終其天年惟  
立德如上篇天德仁大寬富以明其道而已  
人之德之蕩蕩乎出亦無心動亦無心而天  
下莫不從之一乎字見王德者無心於萬物  
之從爾物自從之耳猶曰聖人作而萬物覩  
也其平居之存存者惟內觀乎冥冥而獨見  
滄日之升內聽乎無聲而獨聞鑒和之鳴是  
以不可測而功則著不可泯而跡則微故與  
物接也本無而應不窮虛不屈動愈出也時  
肆而有所歸從心所欲不踰矩也大小長短

近遠無適不宜也末句是冷語不結而結王  
德非位也如孔子爲七十子之說服者也  
**義等**道之淵乎溲乎天也金石有聲亦天也  
感之而動人也考之而鳴亦人也天人相因  
寓物而見以喻王德之人素朴而往恥通於  
事非不能也待扣而應耳立之本原猶金石  
之爲器知通於人猶聲之在考擊也然有聲  
聲者存乎其中其德豈不廣大哉心因物採  
而出卽感而遂通之義蓋能存守此形斯能  
盡其生之理能立已德斯能明道之自然見  
充養其在我者則其出動也物安得不從之  
乎至於冥冥見曉無聲聞和則其視聽有非  
常人所及者故深而能物則物不遠道神而  
能精則精不離神至無而供其求虛而不屈  
動而愈出也時騁而要其宿漸曰遠遠曰反  
之義結以大小長短修遠六字乃作文奇筆  
言舉不逃乎此也修遠當  
是近遠庸齋之論得之可

黃帝遊乎赤水之北。登乎崑崙之丘。而南望還歸。遺其玄珠。使知索之而不得。使離朱索之而不得。使喫口懈反詬索之而不得也。乃使象罔象罔得之。黃帝曰。異哉。象罔乃可以得之乎。

**此段擬象顯真**。最爲易見。山海經所紀赤水極南崑崙四海之中最高。今日其北猶在八埏之內也。曰登丘則趨高矣。又曰南望還歸則趨高好明不知止之喻。所以失玄珠也。玄者幽深莫測不可色象之名。珠者體圓而光轉動不滯深藏淵海之寶。釋氏謂黍米以擬此性靈也。其曰知者思惟也。離朱者見也。喫詬者言也。三者皆足以蔽真性。象罔無

形無影是所謂無已也無已卽得矣得無所得也知明言皆曰索之而象罔不以索養謹嚴哉莊文也

世之求道者往往以知識聰明言辭爲務而喪失其本真弗悟有所謂無知之知無見之見不言之言乃所以無不知無不見無不言也珠喻心之圓明玄謂心之妙用惟當養之以晦然後用之無窮今乃向明而求此所以遺之也使三者索之不得皆以有心故若夫象罔則形亦無矣心何有哉乃可以得玄珠而起黃帝之歎是珠也人皆有之耀古騰今輝天燦地靜則凝聚動則分散心淵塵汨而障其光明性海濤翻而失其位置一身不能自照何暇燭物哉黃帝始以聰明知識爲足以得珠而不知其爲賊珠也及使象罔而得之蓋欲人屏其聰明知識復還性海之淵澄則玄珠不求而自見矣篤信者當知

堯之師曰許由。許由之師曰齧缺。齧缺

曰。王倪。王倪之師曰被衣。堯問於許由曰。齧

缺可以配天乎。吾藉王倪以要之。許由曰。殆

哉。圾及乎天下。齧缺之爲人也。聰明知給供

數以敏。其性過人。而又乃以人受天。彼審乎

禁過。而不知過之所由生。與之配天平。彼且

乘人而無天。方且本身而異形。方且尊知而

火馳。方且爲緒使。方且爲物絃。公才反方且四

顧而物應。方且應衆宜。方且與物化而未始

章

有恒。夫何足以配天乎。雖然。有族有祖。可以  
爲衆父。而不可以爲衆父父。治亂之率也。北  
面之禍也。南面之賊也。

**通義**此由借師以明君道而教堯者其所短  
者非不足也。隱然言其不屑也。以人受天法  
天行政也。審乎禁過有不善未嘗不知。不知  
過之所由生。無將迎也。乘人而無天率性而  
忘天也。本身異形出於非人。入於非人也。尊  
知火馳尊德性而無停機。惻隱常有。視物猶  
已。是以爲事所使。爲物所絆。見而民莫不敬  
體物而不遺物。各付物而忘我。已上形容歸  
宿。只見可以爲衆父。而不可以爲衆父父也。  
衆父有形之始也。衆父父天也。不能與天爲  
一。必於人之優劣有分別也。衆人不能及。則  
臣必顯其缺。君必顯其疎。如此不爲君道。臣

道之禍害乎此正教堯意謂堯能如此則不  
必要缺也堯之如天如日如雲如神蕩蕩難  
名者蓋有得於此也篇內事無與於被衣者  
而序見被衣豈以被衣忘言忘能能使天下  
兼忘之乎抑亦論齧缺卽

**義海**

由謂齧缺聰明睿知其性過人是論其

才而不言其道以人受天謂尚有爲而求合  
於無爲是審乎禁過而不知過之所由生也  
若與之天下彼且乘有爲之迹以臨民使天  
下失其自然之性矣本身而異形肝膽楚越  
也尊知而火馳機謀急速也爲緒使則役於  
事爲物絃則礙於物四顧而物應物未能忘  
我也方且應衆宜我未能忘物也與物化則  
逐物而遷未始有常則失其本然之我夫何  
足以配天平雖然有族有祖謂齧缺之學亦  
有宗有君栗嘗聞道者也可爲衆父特不可  
爲父父耳衆父父則玄之又玄之謂爲其不



可爲衆父父故以有爲治天下適所以亂之  
爲君爲臣俱不免乎禍賊而已此言用知之  
不足以治天下也若夫齧缺爲許由之師而  
由不善其配天何耶蓋配天乃外王之學而  
四子所傳者內聖之道出則爲帝王師入則  
爲衆父父彼何以天下爲哉故由不頌齧缺  
之所長而示其短使不爲蟻慕之羶而得以  
全其高是爲尊師之至衛道之切也學者當  
以心求之朱曰內  
聖外王不可分離

堯觀乎華。華封人曰。嘻。聖人。請祝聖人。使聖  
人壽。堯曰。辭。使聖人富。堯曰。辭。使聖人多男  
子。堯曰。辭。封人曰。壽富多男子。人之所欲也。  
女。獨不欲。何耶。堯曰。多男子則多懼。富則多

事壽則多辱。是三者非所以養德也。故辭封。  
人曰。始也。我以女爲聖人耶。今然。君子也。天  
生萬民。必受之職。因材成用多男子而受之職。則何懼  
之有。富而使人分之。則何事之有。夫聖人鵜  
居而穀食。鳥行而无彰。章天下有道。則與物  
皆昌。天下無道。則修德就閭。病老死千歲厭世。去而  
上僊。乘彼白雲。至于帝鄉。三患莫至。身常無  
殃。則何辱之有。封人去之。堯隨之曰。請問。封  
人曰。退已。

通鑑此亦後世之言欲破受累之情故示善處之法觀箕疇則富與多子非所以祝天子者然而堯之無欲亦因以見之矣聖人成德之極君子好學之黨堯請問封人曰退已此與接與趨避荷蓀丈人至則行矣伊川不得與同舟者言蓋一棧也不可優堯而劣封人

**晨**

大哉堯之爲君仁昭而義立德博而化

廣天下旣治遊觀乎華彼封人者亦隱淪以樂堯之道三祝聖人取天下之至美歸以報上以爲道之可獻者也而堯則例辭之知非所以養德也封人申而言之爲道之贅及觀其九男二女事舜於畎畝之中富有四海而不與上壽百九十八而徂落巍巍蕩蕩超乎三患之外矣封人之論冥合於堯之迹則亦堯之徒也然其如天如神如日如雲之極致豈封人所可測哉無彰當是無章言迹也

堯治天下伯成子高立爲諸侯堯授舜舜授

禹伯成子高辭爲諸侯而耕。禹往見之。則耕

此上便事

此下接論

在野。禹趨就下風立而問焉。曰。昔堯治天下。

吾子立爲諸侯。堯授舜。舜授予。而吾子辭爲

諸侯而耕。敢問其故何也。子高曰。昔堯治天

此下言禹故

下。不賞而民勸。不罰而民畏。今子賞罰而民

且不仁。德自此衰。刑自此立。後世之亂。自此

始矣。夫子闔行耶。無落吾事。俚俚直立乎耕

反

而不顧。

**通義**

聖知作法而巧僞生於法。以致世降風

**移聖**

智者將欲何爲。因時之制。要在因其良

孟子

浩然齋

通義卷五

上

章

心而順導之庶幾反朴還淳之方歟再參伯  
成子高歷堯舜禹三朝年歲不但二百矣

**義海**

已上經旨

**顯明**

無待贅釋

泰初有無

無有

無名

一之所起

有一而未形

無

物得以生謂之德未形者有分且然无間謂

之命

雷動而生物物成生理謂之形形體保

神各有儀則謂之性性修反德德至同於初

同乃虛虛乃大合喙鳴喙鳴合與天地爲合

其合緡緡若愚若昏是謂玄德同乎大順

**通義**此以無形之氣發端示人當復其初也

形體保神天能之必具也性修反德人道之

當然也造化之始冥冥漠漠無也何所有乎  
何所名乎萬有生於一無此無乃一之所起  
一雖起而未露正萬物所得以生之本虛靈  
之寂也此無雖未形露而其機則燦然之分  
已具於中而有不得已者活潑無情無勉強  
無怠慢無一息之停是天所付物所受之命  
其運動不已適然一晉則成物之生理也物  
既成矣形神合矣則生生之所成爲我之形  
於是百骸所事皆有法則所以保護此神是  
天能也故謂之性慎獨曰修外歸曰反性得  
其修而能復其未形之德造於極致則與太  
初本來之無渾然不二其虛其大無塵可棲  
無物不容如此而有言皆天機之自然合於  
鳥鳴之機矣其聲既合於鳥音則與天地合  
德矣其合於天地者緜緜然如水之流如絲  
之續不息不驟豈非玄同之德而順達宇宙  
哉自有一而未形至各有儀則謂之性言一  
起於無而成萬之故自性修反德至大順言

萬法歸於一無也此惟  
全赤子之心者知之

一氣未兆無迹無稱及稱泰初有無而  
已不可得以名言是爲未形之一而一之所  
自起也一立則有名矣萬物得一以生各居  
自然之德造化分靈降秀實肇於斯而爲人  
物之本雖形狀未覩而氣之清濁所鍾已清  
分際入得之而爲人物得之而爲物是也且  
然猶齟齬不齊萬物羣生種類不齊而元氣  
流行殊無間隙此之謂天所命而物受之以  
爲命者也凡此皆造化密運莫窺其迹惟聖  
人通化能以理測之至於雷動而生物物成  
生理謂之形然後人物動植昭然可觀世俗  
以此爲始而不知其來遠矣物物各有生理  
惟神主之能保其神儀則自備蓋有是物必  
有是則皆已性之所發見有生之所以立也  
性本不假乎修今謂修者不失其儀則全天  
之所與而復乎向之得以生之德德至則同

千秦初是又反流歸源以人合天者也。同乃  
虛則還於本無虛乃大無物足以喻大亦強  
名耳。喙鳴即穀音之義鳥喙之鳴出於無心  
無心之言合於喙鳴則喙鳴亦與之合。天地  
之無心善應亦若是而已矣。夫人與天地為  
合非有心有為可致坐忘而自合故緜緜若  
昏猶子母氣應啐柔同時不知所以然而然  
此德至同於秦初之良駿也。若是則其德玄  
同無天人物我天  
下至順莫大於此

夫子問於老聃曰有人治道若相放可不可

有所依擬

然不然辯者有言曰離堅白若縣寓

字

若是

則可謂聖人乎。老聃曰是胥易技係勞形怵

心者也。執理之狗成思志欲援狙之便自山林



來。丘子告若。衆人而所不能聞。與而所不能言。凡

有首有趾。形具无心无耳者衆。有形者與无形。神亡无

狀而皆存者。今盡无。其動止也。通其死生也。其廢

起也。此又非其所以也。有治在人。忘乎物。忘

乎天。其名爲忘已。忘已之人。是之謂入於天。

**通義**

仲尼以爲放古爲治。因革不苟。如辯者

分析堅白。同異昭然。不隱是。猶用人謀也。故

老聃謂以技能相易。但拘係其心。徒使之勞

且怵焉。如執狸之狗。以能而成繫縛之患。援

狙便捷。雖深居山林。亦爲人所計取也。人所

不能聞。不能言。卽下文无形无狀者。反其問

之。可聞可言也。故又歎具形骸而昧於神者。

舉世皆然。形神相依。相成者。曠世而罕見。誠

以此人隨所遇而安之而其中之所存者言  
非遇之所能限是以所務因於人情而其順  
物則忘天忘已則非人  
所及也故曰入於天

**袁海**今有人焉若相效先王之治道立法度  
以律衆興教化以導民法度不近乎人情教  
化不循乎理可天下之不可然天下之不然  
所謂離堅白若縣寓者也若是者可比聖人  
乎蓋譏當時尚楊墨以爲治而自比聖人者  
老聃曰是猶胥徒在國以相易以技相係而  
勞形怵心無異獵犬被縛援狙出林皆以能  
而召患此喻鄙之之極也余告若所不能聞  
與而所不能言直指道之微妙難名處以啓  
其蒙有首有趾謂凡頂天立地之人無心無  
耳謂不能思道不能聞道者徃徃皆是也有  
形者人無形无狀而皆存者道也盡無則至  
於俱忘前所謂不能思不能聞者可見矣其  
動止死生廢起特人事之代謝若認而有之

以為治在人而已何足以入天平倘能忘物則天與已不期忘而自忘是之謂入於天言道合自然無容人為也此章與應帝王篇揚子居見老聃問答相類但結語有優劣耳

將問勉見季徹曰魯君謂勉也曰請受教辭

不獲命既已告矣未知中否請嘗薦之吾謂

魯君曰必服恭儉拔出公忠之屬而無阿私

民孰敢不輯季徹局局然笑曰若夫子之言

於帝王之德猶螳螂之怒臂以當車軼則必

不勝任矣且若是則其自為處危其觀臺多

物將往投迹者衆將問勉彪彪然驚曰

陳上言有心之害道時口角許逆

然驚曰

苑也。汙若若於夫子之所言矣。雖然。願先生

之言其風也。季徹曰。大聖之治天下也。搖蕩

民心。使之成教易俗。舉滅其賊心。而皆進其

獨志。順若性之自爲。而民不知其所由然。若然

者。豈兄堯舜之教民溟滓然弟之哉。欲同乎

德而心居矣。

**通義**按迹因其標榜之迹而投隙也。言其風

動於此。被於彼。之謂兄者。讓之也。弟者。後之

也。溟滓無志而甘下之意。欲同乎德

所欲不踰矩也。如此則上下心安矣。

**義海**有爲而化物者。其用勞無爲而自化者

其濟博。拔公忠危臺觀。此有爲而化者。滅賊

三  
浩然齋  
章

心進獨志無爲而化也。搖蕩猶鼓舞鼓舞民  
心使之成教易俗順導之而勿撓此化之始  
也。滅賊心而進獨志則因病施藥化之中也。  
至於若性之自爲而民不知其所由然化之  
終也。堯舜之治民不過此而奚必尊之爲兄  
溟津然弟之哉。溟津無分別貌如此則是欲  
同乎堯舜之德而心有所著矣。凡此皆所以  
拂有爲之治掃堯舜之迹而歸乎絕聖棄知  
之意。

云

子貢南遊於楚。反於晉。過漢陰。見一丈人方  
將爲圃畦。鑿隧而入井。抱甕而出灌。搨搨然  
用力甚多而見功寡。子貢曰。有械於此。一日  
浸百畦。用力甚寡而見功多。夫子不欲乎。爲

圃者印仰而視之曰。柰何。曰。鑿木爲機。後重

前輕。挈水若抽。數如洗溢。湯其名爲櫟。爲圃

者。忿然作色而笑曰。吾聞之吾師。有機械者。

必有機事。有機事者。必有機心。機心存於胃

中。則純白不備。純白不備。則神生不定。神生

不定者。道之所不載也。吾非不知。羞而不爲

也。子貢瞞謨官反然慙。俯而不對。有間。爲圃者

曰。子奚爲者耶。曰。孔丘之徒也。爲圃者曰。子

非夫博學以擬聖。於于以蓋衆。醉大獨弦哀歌。以

博學多識者以冷天下也

心放不知

信然

賣名聲於天下者乎。汝方將忘汝神氣墮汝

體不勤

近

汝

形骸而庶幾乎而身之不能治。而何暇治天

下乎。子往矣。無乏吾事。子貢卑陬失色。頊頊

音貢

然不自得。行三十里而後愈。其弟子曰。向之

人何為者耶。夫子何故見之。變容失色。終日

此指孔子起下文也

不自反耶。曰。始吾以為天下一人耳。不知復

夫子之意于吾誠有

有夫人也。吾聞之夫子。事求可。功求成。用力

此人

少見功多者。聖人之道。今徒不然。執道者德

全。德全者形全。形全者神全。神全者聖人之

這也託生與民並行而不知其所之。茫乎淳

備哉。功利機巧必忘夫人之心。若夫人者非

其志不之。有專於心非其心不爲。雖以天下譽之得。何法其

所謂瞽然不顧以天下非之失。其所謂儻然

不受天下之非譽無益損焉。是謂全德之人

哉。我之謂風波之民反於魯。以告孔子。孔子

曰。彼假修渾沌氏之術者也。渾沌之術識其一不知其

二。治其內而不治其外。夫明白入素無爲復

朴。體性抱神以遊世俗之間者。汝將固驚耶。此人不然實



且渾沌氏之術。予與汝何足以識之哉。

**通義**

忘汝神氣三句言心放於機事不知精

神之所在怠惰其四肢將近乎一身不能保

也。不自得若失已也。不自反不復常也。風波

搖蕩於世故而不定也。假非真也。識其一不

知其二。滯於一不通於萬也。治其內不治其

外。守其心不屑於物也。即其見一二分內外

偏蔽矣。不通於二不屑於物。不明白矣。是以

知其非真。修也。渾沌之道明白入素。無爲復

朴。體性抱神不離世俗而已。若此人者。離世

絕俗。汝乃爲之。實驚駭耶。且渾沌之世。用渾

沌之道。今非其時矣。何用理會其術哉。夫子

貢昔之所聞者。修德之指也。事求可。可欲之

善也。善以爲質。而要於信。以成之。此正通於

一萬事而用者也。不亦用力少見功多乎。惜乎

子貢之用其知。不於動而未形之幾。而馳於

機械。猶幸漢陰丈人之一斥折。乘於尼父也。

今勞就逸人之常情聲名功利亦人所  
欲而世有棄至易而從至難甘藜藿而安陸  
沉者豈土木其身心而至是耶蓋見道篤而  
自知明立志堅凝有以勝之久則安安則化  
矣此漢陰丈人所以恥機軸而甘抱甕身畎  
畝而目雲霄也卒使善訪善者不能回其心  
易其操古長沮桀溺之徒歟此雖本於氣稟  
高潔亦積學涵養之功何謂學師其勝已者  
何謂養充其在我者而已

海遺處

諄芒將東之大壑海遺處適遇苑風於東海之濱苑  
風曰子將奚之曰將之大壑曰奚爲焉曰夫  
大壑之爲物也注焉而不滿酌焉而不竭吾  
將遊焉苑風曰夫子無意于橫目之民乎願

聞聖治。諄芒曰。聖治乎。官施而不失其宜。拔

舉而不失其能。畢見其情事。而行其所爲。行

言自爲而天下化。手撓顧指。四方之民莫不

俱至。此之謂聖治。願門德人。曰。德人者。居無

思。行無慮。不藏是非美惡。四海之內共利之

之。謂悅。共給之。之。謂安。怡音乎。若嬰兒之失

其母也。儻音乎。若行而失其道也。財用有餘而

不知其所自來。飲食取足而不知其所從此

謂德人之容。願聞神人。曰。上神乘光。與形滅

神人忘功

神人忘功

三句神人

亡。此謂照曠致命盡情。天地樂而萬事銷亡。

萬物復情。此之謂混冥。

應滅亡

詩芒苑風大壑皆莊子擬名擬景以發  
智中之蘊者芒猶茫也多言而出於渺茫無  
心之言也風出於苑有限之用也橫目惟人  
之目橫生於面造名如此亦其察庶物之密  
也聖治平一問即乎字見其有不足之意聖  
治修政也德人修德也神人率性忘修也上  
神乘光神騰出於日月之上故曰乘光雖有  
身實無身也故曰與形滅亡率乎天性而不  
矯揉其情其樂即天地之無事蓋樂者安而  
無累天人之本性天地樂言胃次與天地為  
一其樂即天地之樂也是以事泯其跡物復  
其情此之謂混冥不曰神人而曰混冥混冥  
即神也謂不可  
以形骸觀也

酌不形而欲遊焉苑風疑其無意於民遂問  
聖治答以官施拔舉得宜盡能則在位者稱  
職遠逸者得升政事之間畢見其人情物理  
而得以行其所常爲行者言者皆出於自爲  
而無矯揉之弊以試格物天下惡有不化者  
哉手撓顧指遠民皆至則近者可知此聖人  
之治效也繼問德人答以居無思行無慮動  
靜無心美惡自泯四海之民有未得其所者  
皆願利給悅安之則修之天下其德普矣若  
嬰兒失母行而失道皆視民如傷之意財用  
有餘儉則容給飲食取足充賜而已不知其  
所從來言未嘗著意於財食而自供其用蓋  
本於利給天下之所致也此德人之容儀見  
於外而可觀者而非其實所謂實則有不容  
聲矣又問神人答以上神乘光所謂遂於大  
明之上是已與形滅亡所譖入於窈冥之門  
是已此言神人出陽入陰變化莫測也上神

神之至極乘光凌虛躡景之義蓋非虛則不能發光非曠則不能容照也必至於已之命斯能盡天下之情天地之樂揆之民心可見天視天聽亦猶是也萬事銷亡本於我無爲而已使萬物各復其本情是謂混冥混冥則我亦忘矣況於物乎論神人而結以混冥此又明其所以神也

門無鬼與赤張滿稽觀於武王之師赤張滿

自放伐之罪

稽曰不及有虞氏乎故離此患也門無鬼曰

聖武不給

天下均治而有虞氏治之耶其亂而後治之

與赤張滿稽曰天下均治之爲願而何計以

有虞氏爲有虞氏之藥瘍也禿而施髡音剝病

而求醫。孝子操藥以修慈父。其色焦然。聖人羞之。至德之世。不尚賢。不使能。上如標枝。民如野鹿。端正而不知以爲義。相愛而不知以爲仁。實而不知以爲忠。當而不知以爲信。蠢動而相使。不以爲賜。是故行而無迹。事而無傳。孝子不諛其親。忠臣不諂其君。臣子之盛也。親之所言而然。所行而善。則世俗謂之不肖子。君之所言而然。所行而善。則世俗謂之不肖臣。而未知此其必然耶。世俗之所謂然。

而然之。所謂善而善之。則不謂之道諛之人也。然則俗故嚴於親而尊於君耶。謂已道人。則勃然作色。謂已諛人。則怫然作色。而終身道人。也。終身諛人也。此處必兼衆詞其指必不同合譬飾辭聚衆也。是終始本末不相坐。垂衣裳設采色。動容貌以媚一世。而不自謂道諛。與夫人之爲徒。通是非。而不自謂衆人。愚之至也。知其愚者。非大愚也。知其惑者。非大惑也。大惑者。終身不解。大愚者。終身不靈。三人行而一人惑。所適者猶



可致也。惑者少也。二人惑。則勞而不至。惑者  
勝也。而今也以天下惑。予雖有析嚮。不可得  
也。不亦悲乎。太聲不入於里耳。折楊皇華。音花  
則嗑然而笑。是故高言不止於衆人之心。至  
言不出。俗言勝也。是以二缶鐘惑。而所適不得  
矣。而今也以天下惑。予雖有析嚮。其庸可得  
耶。知其不可得也。而強之。又一惑也。故莫若  
釋之而不推。不推。誰其比憂。

通義標枝不自知其高。野鹿惟自親其類。相  
使不以爲賜。相後相助。不以爲惠。自端正至。

此五句皆形容閭閻醉醺無名利爾我之意  
悲者悲至德之世不可復道諛之風不可息  
也折楊皇華比俗言也缶鐘諸解皆謂垂踵  
之誤應上文二人惑余謂不應重出前言祈  
嚮不得指至德之世後言祈嚮不得指道諛  
之風比二人又進一層蓋以瓦缶之聲爲鐘  
聲其惑甚矣況以二缶而亂一鐘何適而可  
得哉正俗言勝至言之喻明者更詳之釋之  
而不推則誰爲可比誰爲可憂蓋亦張蒲稽  
起方人之問故門無鬼以至德之世進其所  
見至此盡滌其  
有見之垢也

**義**天下不治然後有治之之名堯子不肖  
然後有禪舜之舉蓋有揖遜於其前必有征  
伐於其後者亦猶有瘍而後有藥有禿而後  
施鬚有病而後有醫也夫孝子修藥此分內  
事而聖人羞之者謂不若父無病之爲愈也  
況以征伐而求治者乎故引至德之世以明

末俗之澆薄觀人去彼而取此也以其不尙  
賢不使能故能如標枝如野鹿標枝樹杪之  
枝居高而不知其爲尊也端正應是相正考  
下文可見此四不如乃所以同歸於道俱化  
於兼忘之域仁義忠信特世人分別之迹耳  
蠢動指淳朴之民相使而不以爲賜有助而  
無責聖之心也行而無迹卽烏行無章事而  
無傳則所過者化此其所以爲至德之世歟  
善君親之言行則俗謂之不肖善世俗之言  
行而不謂諂諛諛俗非嚴於親尊於君也蓋臣  
節主忠子道主孝不當以諂諛事其君父也  
至於待世俗則所然所善不稽其實未免爲  
導諛而已惡其名而爲其實終身由之而非  
悟飾辭聚衆以相誇然卒至於害道敗德若  
鄉原之所爲是其始終本末謬戾若此不相  
坐猶云不相安也彼乃垂衣設采動容以媚  
世而不自謂導諛非愚而何知愚惑者非愚  
惑言其猶可化至於不解不靈聖人亦無如

云何矣。三人行至不可得也。言世之惑者。非一人所能回大聲不入。至俗言勝也。發明前意。二人垂踵惑而行所適。猶不得。況天下皆惑乎。雖有求至其可得耶。知不可得而強之。又增其惑。不若舍之而不問。夫復可憂哉。此真人見其不可救而自歎自解之辭。厲之人夜半生子。遽取火而視之。汲汲然唯恐其似已也。百年之木。破爲犧樽。青黃而文之所斷在溝中。比犧樽於溝中之斷。則美惡有間矣。其於失性一也。蹠與曾史行義有間矣。然其失性均也。且夫失性有五。一曰五色亂目。使目不明。二曰五聲亂耳。使耳不聰。三

曰五臭薰鼻。

術述自鼻中困憊。

倭音

中顙。四曰五味濁口。使

口厲爽。五曰趣舍滑心。使性飛揚。此五者皆

生之害也。而楊墨乃始離跂。自以爲得。非吾

所謂得也。夫得者。困可以爲得乎。則鳩鴉之

在於籠也。亦可以爲得矣。且夫趣舍聲色以

柴其內。皮弁鷩冠。搢笏紳修。長以約其外。內支

楹於柴柵外。重繯繳皖皖然在繯繳之中。而

自以爲得。則是罪人交臂歷指。而虎豹在於

囊檻。亦可以爲得矣。

通義 此篇言有盡而意無窮善學者當得意於言外厲人之恐非其好惡良心乃軀殼之念取舍汨心失其無知無識順帝則之本性故以大木所遇貴賤不同均於失性繼之餘義不贅

義海 結以厲人生子取火視之言醜者猶不願子之似已則迷者豈無向善之心在上之人有以覺悟之其本然之天固未嘗不在也經云開天者德生開人者賊生可不謹歟褚氏總論是篇首論天地大化人物衆多在君天下者汎觀以道直行以德無爲無欲官治分明蓋以不同同之物莫得而異也大莫大於天地尊莫尊於道德聖人道德兼覆載故得而並稱焉或問有聖人而無天地何以爲聖人余謂有天地而無聖人亦何以爲天地然則天地聖人相因而不可無者也故南華以天地明君德此所以

統天地御萬物而君天下之道也人見其  
應物多方疑其聖知聰明絕人遠甚而不  
知剗心無爲之所致也是以有君天下之  
德者立本原以正其在我則天地不期合  
而合人物不期化而化視乎無形聽乎無  
聲玄感奇應有不止乎此者故黃帝遺玄  
珠而象罔得之帝堯要鬻缺而許由危之  
謂道不可以心求不可以聰明得也華封  
請三祝聖人使之分富授職千歲上僊則  
何累之有伯成子高辭諸侯而耕于野以  
見德哀刑立賢人退藏法密於前患鍾於  
後亂自此始矣故舉泰初有無畢究物生  
之本性命之所自來德同於物物將自化  
彼可不可然不然服恭儉同於物物將自化  
外用其心矣漢陰之恥用機械武王之帥  
師拯民一則抱朴守真一則以權濟義出  
處動靜時有不同皆不離乎道而已若夫  
厲人之恐子似已大惑者終身不寔殘樸

爲樽清心。蕩性德不足以存生。如天下何。凡此皆以因爲得。若楊墨之苦。聲難爲者也。至此之。鴟鵂虎豹。則非唯薄之而惡之。亦甚矣。昔孟子開楊墨以明聖道。世世稱之以爲功。不在禹下。余於南華亦云。

### 天道第十三

陰陽無所

不傳澤

位

天道運而無所積。故萬物成。帝道運而無所

德

德化

積。故天下歸。聖道運而無所積。故海內服。明

於天。通於聖。六通四辟於帝王之德者。其自

爲也。昧夷然無不靜者矣。聖人之靜也。非曰

靜也。善故靜也。萬物無足以抗同鏘音心者。故靜



也。水靜則明燭鬚眉。水靜平中准。大匠取法焉。水

靜猶明。而況精神。聖人之心靜乎。天地之鑒

也。萬物之鏡也。夫虛靜恬淡。寂漠無為者。天

地之平。所安而道德之至。故帝王聖人休焉。休則

虛。虛則實。實者倫矣。虛則靜。靜則動。動則得

矣。靜則無為。無為也則任事者責矣。無為則

俞俞。是其是俞俞者。憂患不能處。能年壽長矣。夫虛靜

恬淡。寂漠無為者。萬物之本也。明此以南鄉。

堯之為君也。明此以北面。舜之為臣也。以此

於上帝王天子之德也。以此處下。玄聖素王  
之道也。以此退居而間游。江海山林之士服  
以此進爲而撫世。則功大名顯而天下一也。疑而不疑  
靜而聖動而王。無爲也而尊。樸素而天下莫  
能與之爭美。夫明白於天地之德者。此之謂  
大本大宗。與天和者也。所以均調天下。與人  
和者也。與人和者謂之人樂。與天和者謂之  
天樂。此下方樂論 指虛靜莊子曰。吾師乎。吾師乎。整萬物而不爲  
戾。澤及萬世而不爲仁。長於上古而不爲壽。

覆載天地刻雕衆形而不爲巧此之謂天樂

故曰知天樂者其生也林天行其死也形骸物化靜

而與陰同德動而與陽同波故知天樂者無

天怨無人非無物累無鬼責故曰其動也天

其靜也地一心定而王天下其鬼不祟養章其動也天

其魂不疲以神一心定而萬物服言以虛靜推於

天地通於萬物此之謂天樂天樂者聖人之

心以畜天下也復論帝主之務夫帝王之德以天地爲宗以

道德爲主存以無爲爲常無爲也則用天下而

道德爲主以無爲爲常無爲也則用天下而

有餘有爲也。則爲天下用而不足。故古之人

貴夫無爲也。然亦有辨上無爲也。故使下亦無爲也。不惑倍是下

上同德。下與上同德。則不臣。體民下有爲也。決施上

有爲也。是上與下同道。上與下同道。則不主

上必無爲而用天下。下必有爲爲天下用。此

不易之道也。故古之王天下者。知雖落天地

不自慮也。辯雖彫萬物不自說也。能雖窮海

內不自爲也。天不產而萬物化。地不長而萬

物育。是以帝王無爲而天下功。故曰莫神於天。莫

信

富於地莫大於帝王故曰帝王之德配天地

此乘天地馳萬物而用人羣之道也本在於

上末在於下要在於主詳在於臣三軍五兵

之運德之末也賞罰利害五刑之辟教之末

也禮法度數刑名比詳治之末也鐘鼓之音

羽毛之容樂之末也哭泣哀經隆殺之服衰

之末也此五末者須精神之運心術之動然

後從之者也末學者非所先言以無為為先而以有為為終之也古人有之而非所以先

也即人常情而受之君先而臣從父先而子從兄先而弟從長

先而少從。男先而女從。夫先而婦從。夫尊卑

先後。天地之行也。故聖人取象焉。何從之天尊地卑。

神明之位也。春夏先。秋冬後。四時之序也。萬

物化作。年萌區有狀。盛衰之殺。變化之流也。夫

天地至神而有尊卑先後之序。而況人道乎。

宗廟尚親。朝廷尚尊。鄉黨尚齒。行事尚賢。大

道之序也。語道而非其序者。非其道也。語道

而非其道者。安取道。是故古之明大道者。先

明天。而道德次之。道德已明。而仁義次之。仁

此下大之非連也。相與相輔之意。

義已明而分守次之。分守已明而形名次之。

刑同後義

形名已明而因任次之。因任已明而原省次

有減

之。原省已明而是非次之。是非已明而賞罰

次之。賞罰已明而愚知處宜貴賤履位。仁賢

德所得所位

安分是以此

不肖襲情。必分其能。必由其名。以此事上以

用治賞

不違分

必循實

此畜下。以此治物。以此修身。知謀不用。必歸

其天。此之謂太平。治之至也。故書曰。有形有

名。形名者。古人有之。而非所以先也。古之語

大道者。五變而形名可舉。九變而賞罰可言。

也。驟而語形名，不知其本也。驟而語賞罰，不

道德反

知其始也。倒道而言，迂道而說者，人之所治

乳

也。安能治人？驟而語形名賞罰，此有知治之

能

具，非知治之道。可用於天下，不足以用天下。

見為臣為主

此之謂辯士，一曲之人也。禮法數度形名比

詳，古人有之。此下之所以事上，非上之所以

引證結

畜下也。昔者舜問於堯曰：「天王之用心何如？」

義

考

堯曰：「吾不教無告，不廢窮民，苦死者。」嘉孺

孺

子而哀婦人。此吾所以用心已。舜曰：「美則美，

家



也。而未大也。堯曰。然則何如。舜曰。天德而出

之以如

寧。日月照而四時行。若晝夜之有經。雲行而

雲子之才我其

雨施矣。堯曰。膠膠擾擾乎。子。天之合也。我。人

德

之合也。夫天地者。古之所大也。而黃帝堯舜

之所共美也。故古之主天下者。奚為哉。天地

德

而已矣。

**通義**

以靜虛立。意靜為本。婉然時論。善故靜。

一言足藏天。人不二之義。水之明。與平以靜。

也。惟明惟平。故燭物而人取法焉。中准猶射。

禮設中之中器也。虛靜恬淡。寂寞無為。從靜。

中生。出其言休。則虛虛則實。實則倫者。言修。

德而復於無為者。止息於恬淡寂寞之天。則。

有純陽如乾而無一朕虛也流行變化  
感從此而應無間可容髮實也流行感應既  
無髮可間則其先後抑揚親疎尊卑物各付  
物莫不得其條理矣又曰虛則靜靜則動動  
則得者言廓然無感寂然如鏡靜也本體虛  
明設有所感不得已而應之是動也其應出  
於無心不失本靜之體內不失已外不失人  
故曰動則得也憂患不能處世之憂患不能  
沾惹於其身也猶曰聖人不避憂患而憂患  
不近聖人也鑿萬物而不爲戾二句卽殺之  
而不怨利之而不庸和者合也天樂者和之  
所生也波者水之揚起者也因感而生同波  
喜怒哀樂無情也無天可怨無人可非無物  
可累無鬼可責皆言體道之功非效驗也堯  
舜問答天合人合二句猶孔子願從而後之  
意人合乃所以爲天天者主意人者工夫善  
讀者當會而通之

則兼三才而運化故六通四闢而德行乎內  
所以治人化物上爲皇下爲王者是也其自  
爲則入而治已反流歸源明道若昧無有不  
靜者矣凡人之靜必靜之而乃靜聖人之靜  
豈以靜爲善而靜哉物無足以鏡心故耳言  
其本靜非使然也水靜則明則平大匠取法  
亦言其自然明平可鑑可準以況人之精神  
靜極而明天地萬物莫逃其鑒一身之貴何  
以加此而昧者役役不知止憊不知息以至  
漸盡而莫救可不哀耶夫欲求所以完精神  
之道不越乎虛靜恬淡寂寞無爲而天地之  
平道德之至亦豈外乎此哉故物理於此而  
曲當聖人於此而休息雖萬緣擾擾而不生  
其心然恍惚有物至理存焉物不終靜動斯  
得矣任事者責則我無爲憂患去而年壽長  
得其本而操之故也若是則爲君爲臣無不  
合道進爲退處皆得其宜此聖道法天運而

無積之效也。道之在人，靜則爲聖，動則爲王。皆以無爲而尊，樸素而美，猶天地之德，何嘗有爲？何嘗文采而陰陽四時？無所不爲。日月山川，無非文明乎？此理明則天下之大本大宗旨立矣。所謂本宗，卽內聖外王之道。與天和者也。用以均調天下，則與人和。人樂天，樂皆出於和。其名雖異，所以爲樂則一。猶聖王內外之分，而道本無殊也。整物不爲戾，澤世不爲仁，忘乎善惡也。至於忘壽忘巧，則非時所攝，非能所係。南華之所師者，師此而已。生爲天行，自然運動，死爲物化，動必有極。如是則動靜合乎天道，無天怨人非。無物累，鬼責又明。其所以樂也，其動也，天其靜也，地卽同德。同波之義，一心定而無爲。天下歸往，無鬼責。故鬼不祟，無物累。故魂不疲，行無愧。平幽顯，物何爲而不服？此無他，以虛極靜篤之理體於天地，通於萬物而已。聖人之心，所以養天下者，亦豈外乎此哉？夫以天地爲宗，道德爲

主者豈有他哉以無爲爲常而已無爲已難  
能況常而不變者乎此古人所以貴也無爲  
有爲上下之所以分反是則君不主而臣非  
臣矣知不自慮辯不自說能不自爲無爲之  
本也天不產而物化地不長而物育帝王無  
爲而天下功此無爲之效也曰神曰富而大  
足以包之此帝德所以配天地而乘之馳萬  
物用人羣特其餘事本要末詳自然之理自  
三軍五兵至隆殺之服雖五事之末而必由  
於精神心術之運則古人所不廢也但非所  
先耳若夫君臣父子夫婦之先後猶天尊地  
卑之不可易而聖人取象焉神明之位上下  
不紊四時之序先後有倫萬物化生萌區有  
狀而物之盛衰變化見矣此天地之序而人  
所取法者也宗廟朝廷鄉黨行事莫不有序  
而道在其中語道而非序何取於道哉故自  
先明天而道德次之至仁賢不肖襲情皆因  
之而不可無必分其能以稽效必由其道以

考實事上畜下治物修身之要莫越乎此知  
謀不用歸於自然此太平之至治也後引書  
曰至畜天下也蓋演上文餘意云天德者無  
爲之化出寧者無爲而爲日月照四時行皆  
自然運動而爲之者故晝夜有常而無差忒  
雲行雨施品物流形君天下者所以體之以  
立德而民莫不歸而弘之以化物而物莫不  
從也堯於言下有省始悟目前所爲膠膠擾  
擾天合之與人合相去遠矣以是觀之堯舜  
之德若有優劣而結以黃帝堯舜之所共美  
則又混然無分此南華立言抑揚  
闔闢之妙學者熟味當自得之

孔子西藏書于周室子路謀曰由聞周之徵

藏史有老聃者免而歸居夫子欲藏書則試

往因焉孔子曰善往見老聃而老聃不許於

是緒十二經以說老聃中其說曰大謾願聞

綱領

其要孔子曰要在仁義老聃曰請問仁義人

之性耶孔子曰然君不仁則不成不義則

生意問斯

神氣索

不生仁義真人之性也又將奚爲矣老聃曰

請問何謂仁義孔子曰中心物勿愷兼愛無

近

賢

仁

義

私此仁義之情也老聃曰意幾乎後言夫兼

愛不亦迂乎無私焉乃私也夫子若欲使天

素

下無失其牧乎則天地固有常矣日月固有

明矣星辰固有列矣禽獸固有羣矣樹木固

有立矣。夫子亦放德而行，循道而趨，已至矣。

又何偈偈？居謁乎揭仁義？若擊鼓而求亡子

焉？意夫子亂人之性也。

通鑑此章大意籍中屢見無煩多訓，但記孔

李相見之因耳。其相聞必久，故有相規相正

之言。後篇則漸相同相許也。藏書周室可見

正周之禮樂與春秋為天子之賞罰也。十二

經春秋是也。中其說半其言也。後言猶贅言

非緊要切實之言，可緩者也。各親其親，天性

也。兼愛則作意市恩求名，故曰迂意求無私

意，卽私也。放德猶曰開懷放心，順性而行，卽

康節謂掉臂行是也。擊鼓求子，失其子而求

已非人道之常。擊鼓而求張皇勞苦貽笑於

人耳。且以驚動世俗，正

倡仁義以亂人性之喻。



於周之藏室以俟後世聖人蓋不得已而託空言以垂世立教其志亦切矣老聃不許者謂道既不行於當世徒存糟粕其能有濟乎十二經說者不一陸氏音義舊註詩書禮樂易春秋六經加六緯爲十二經一說易上下經與十翼又云春秋十二公其經孔子所作者也此說近似要之引喻之言借以通意不必深泥其迹中其說謂當其言但謾而非要耳孔子曰要在仁義此治世之道所當先者老聃謂非人之性則還淳反本有道德存焉孔子答以中心物體陸氏音義物一作勿今從之中字宜音去聲則不中心亦不恕矣故兼愛而無私此仁義之情也聃曰危乎不及之言所以達乎道也以其無私故成其私若使天下無失其養則天地日星禽獸草木莫不各遂其性各當其宜人之放德修道亦若是而已矣又何必用力於仁義若擊鼓以求

亡子終無可得之理也

士成綺見老子而問曰。吾聞夫子聖人也。吾

固不辭遠道而來願見。百舍重趼足履厚皮而不

敢息。今吾觀子非聖人也。鼠壤有餘蔬而棄

妹弟不仁也。生熟不盡於前而積歛無崖。老子

漠然不應。士成綺明日復見曰。昔者吾有刺

於子。今吾心正卻矣目不應流其機察之心。故也。老子曰。夫巧知

神聖之人。吾自以為脫焉。昔者子呼我牛也

而謂之牛。呼我馬也而謂之馬。苟有其實。人

與之名而弗受。再受其殃。吾服也恒服。吾非

以服有服。士成綺鴈行避影。履行遂進而問

修身若何。老子曰。而容崖然。而目衝然。而頽

頽然。而口闕然。而狀義然。似繫馬而止也。動

而持。發也機察而審。知巧而覩於泰。凡以爲

信。邊竟有人焉。其名為竊。

**道義**此與老聃死秦失吊之一章皆在言外

見老子爲人所愛敬此言饋遺之多也食蔬

之餘棄於鼠壤暗處是不愛物也食品生者

熟者見在已用不盡而又收積不已是貪也

漠然不應不可與言也服猶行也謂吾所行

者乃人性之常道非以舊嘗有此格式而行

之者猶舜由仁義行非行仁義也繫馬而立  
言坐馳也動而持舉動莫非矜持也發也機  
察而審言動莫非機察之心而且精密猶曰  
刻核太至也皆用其知乃自以爲得故不覺  
顯露其驕泰之狀凡此皆由於爾衷之不誠  
此等人雖在墳野無禮法無知識之地亦名  
爲竊蓋以不盜物而盜情也此見是非之心  
人皆有之爾獨不自知乎去此而後可以語  
修身也

**三**成綺見鼠壤餘蔬而疑老子非聖蓋謂  
聖人於物無棄取蔬之木而棄其末是不惜  
物近於不仁下文云生熟不盡於前言食物  
滿前狼戾也昔人入訪友將至所居見溪流  
菜葉遂不往亦此意是乃以世眼窺聖人故  
以不應應之卻音隙訓虛悟昔譏刺之非也  
老子謂知巧神聖吾已脫去呼馬呼牛聽之  
而已汝先以聖期我已非知我者況又以非

莊

浩然齋

道義卷五

三十四

坤

聖責我何異牛馬妄名吾無益損焉吾服也  
常服二句四服字解者不一按此卽拳拳服  
膺之服言其能擇能守也謂吾服膺聖道常  
常如是非以擇守爲事而有所服也履當是  
履履不躡跟也其行勿遽故若此崖則不平  
衝則奔突顛則高亢口闕則欲言而未出狀  
義則剛介而自矜此所謂似繫馬而止也動  
而持非自然而靜發也機非自然而動持之  
發之則有心有迹矣察而審以察爲明也知  
巧而覩泰機心見於驕色也凡俗以余言爲  
不信請觀不由正道之人名爲盜竊之行蓋  
痛鍼成綺之失老子曰以下乃誨之之辭  
老子曰夫道於大不終於小不遺故萬物備  
廣廣乎其無不容也淵乎其不可測也形德  
仁義神之末也非至人孰能定之夫至人有

仁義神之末也非至人孰能定之夫至人有

萬物皆備

包涵

其

充備

世不亦大乎。而不足以爲之累。天下奮棟音柄

而不與之偕。審乎無假而不與利遷。極物之

真能守其本。故外天地遺萬物。而神未嘗有

所困也。通乎道。合乎德。退仁義。賓禮樂。至人

之心。有所定矣。世之所貴道者。書也。書不過

語。語有貴也。語之所貴者。意也。意有所隨意

之所隨者。不可以言傳也。而世因貴言傳書。何也

世雖貴之哉。猶不足貴也。爲其貴非其貴也。

故視而可見者。形與色也。聽而可聞者。名與

聲也。悲夫。世人以形色名聲爲足以得彼之情。夫形色名聲不足以得彼之情。則知者不言。言者不知。而世豈識之哉。

**通義**此亦後人托爲莊文以敷演道德經之語。即末二句可見。大不終小不遺。猶言莫載莫破。大小指物也。形德仁義言道本不可見。顯露於德而爲仁義。故曰神之末奮棟起而把握事物也。審乎無假言其心惟精察乎性真之無待假借者。是以雖遇順利亦不貪逐。其應物雖極盡其情。亦惟自守其本真。卽知雄守雌之意。世之所貴者書一段讀書者可以深省其末曰知者不言。虛靈之體不言也。言者不知。形聲非虛靈之體也。世皆逐形聲而忘形聲之所自。故曰世豈識之哉。尙冀人之內觀而識其本來之神也。此與道德經語

用意觀彼此上  
下文當自知之

夫道超乎形數不可以大小論故廣無  
不容淵不可測及乎有形有德有仁有義皆  
神化之末惟至人能定其本耳至人者有天  
下而無累天下奮棟而不與之偕言物雖動  
而我自靜也審乎真道利莫能遷窮物之理  
而守其本故天地可外萬物可遺其神足以  
勝之夫何所困哉惟能通道合德則仁義自  
退禮樂自賓至人心有所定故足以定天下  
之心也

桓公讀書於堂上輪扁斲輪於堂下釋椎鑿  
而上問桓公曰敢問公之所讀爲何言邪公  
曰聖人之言也曰聖人在乎公曰已死矣曰

叙事



然則君之所讀者。古人之糟魄已夫。桓公曰。

寡人讀書。輪人安得議乎。有說則可。無說則

死。和之曰。臣也。以臣之事觀之。斲輪徐則甘

而不固。疾則苦而不入。不徐不疾。得之於手

而應於心。口不能言。有數存焉於其間。臣不

能以喻臣之子。臣之子亦不能受之於臣。是

以行年七十而老斲輪。古之人與其不可傳

也死矣。然則君之所讀者。古人之糟魄已夫。

**通義**

此承上章貴言傳書之弊而指明之也。書者言也。致用之方存乎獨覺。不能自言。況

可傳乎故曰古之人與其不可傳者死矣夫  
木理之堅脆運斤之重輕前舉不虞乎後舉  
其疾徐甘苦之節惟自知自用而已豈能措  
言豈能傳人邪卽此而觀知古人之不可傳  
者在我則糟魄乃我醪醴之所出也得意忘  
言古人可不死矣修己者將何所從事乎  
**義海**跡者履之所止而跡非履也書者道之  
所秉而書非道也悟者因書而明道迷者舍  
道以求書故桓公溺於陳言輪扁得以進說  
以粗論精卽事明理無適而非道也夫斲輪  
者選材施工所以任重致遠而推行於天下  
卽懷道抱德而欲有以濟世之譬也其運斤  
之妙得心應手雖父子不能相傳則方圓長  
短之數疾徐甘苦之節一得之於自然有不  
容以言盡者矣況神鬼神帝生天生地之道  
其可以書盡乎扁之老於斲輪豈捐捐於推  
鑿之間而勞勩苦骨爲哉蓋因道進技以天  
合天得其所以爲輪用力少而見功多故終

身由之而弗舍也推是理以達於書宜無難矣桓公湑跡遺心遂謂聖人已死扁鵲得以盡其辭而救其失夫聖賢所學者道所傳者心苟得其心則知有不死者存此道可以坐進又豈在譊譊乎紙上之糟粕邪此有以見聖賢不得已而立言傳書南華借此以杜世人泥像執文之弊學者信能見月忘指而復吾混成之天則回視校冊諸生不直一笑此條大意與庖丁解牛章相類但末後欠桓公領悟語耳留此一語以惠後人必有承當者

褚氏總論是篇以天道命名特標其首次以帝道聖道玄聖素王之事業以道德爲主無爲之常此乘天地馳萬物而用人羣之道也中敘德教禮樂仁義分守形名賞罰治世之具無不畢備然皆不離乎人道之常何也蓋善天道者必本乎人能盡人道者可配乎天天人混融本末一致廣無不容淵不可測又安知天之非人人之非

天乎至論五變而形名可舉九變而賞罰  
可言此萬世不易之理所以立人極贊天  
道者也若夫天德而出寧日月照而四時  
行若晝夜之有經雲行而雨施矣則天自  
已出炳靈獨化地道人道其有不從者乎  
夫修治具以明治道古今之通論然有用  
之而治或用之而亂者以不知本末先後  
之序君臣詳要之宜故也世謂南華立言  
多尚無爲而畧治具觀是篇所陳禮樂政  
教寃極精微有非諸子所可及者要在出  
於天理之自然假人以行之耳信明乎自  
然之理則可以自治具而通治道使君臣  
父子鳥獸草木皆得其宜天下擊壤謳歌  
不知帝力謂之無爲可也至若孔子欲藏  
書而繕經以說成綺問修身而其容崖然  
是皆徇人而忘天所以老聃弗許也惟至  
人知仁義爲道之末禮樂爲道之賓能天  
能人極真守本而神未嘗有所困故雖有

世而不足爲之累也。終以遺書得意。糟魄陳言而寓之於輪扁。蓋恐學者狗跡遺心。舍本趨末。則去道愈遠。但當究夫聖人有不亡者存。則學者當自絕學而入傳者。當得無傳之傳。而天地聖人之心。見矣。何以古人之糟粕爲哉。

### 天運第十四

天其運乎。地其處乎。日月其爭於所乎。孰主

義

張是孰。維綱是孰。居無事。推而行是意者。其

有機緘而不得已邪。意者其運轉而不能自

止邪。雲者爲雨乎。雨者爲雲乎。孰隆施是孰

居無事。滛樂而勸是。風起北

宜作無

方。一西一

東有

或作在今

上彷徨孰噓吸是孰居無事

而披拂是敢問何故巫咸招曰來吾語女天

有六極五常帝王順之則治逆之則凶九洛

之事治成德備監照下土順治之經天下戴之此謂上

皇

**通鑑**

此猶屈原之天問欲人反觀而知天機

之在我也易傳曰復其見天地之心故問以

知天答以知人天依於人也六極只是十二

支五常只是十干合陰陽而言也寅丑卯而

木極已至午而火極之類十二辰皆有盡處

故曰極五氣順布自有不不易之度常猶經也

不當指人倫餘說尤與天道不貫此言天運

不爽君子當尊奉其消息盈虛而不違也

天運地處日往月來人所共知也然所以運處往來人則莫知也是孰主張綱維之者意其有機絨運轉而不能自止邪蓋謂天地亦物也虛空中之至大者耳物之運動必有使然者第人居兩間而不自知猶磨蟻之俱旋而弗覺也雲爲雨而興邪雨爲雲而作邪與夫風氣之東西上下孰隆施而嘘吸之邪已上皆發問之辭而逸其舉問之人或以爲莊文變體不可以常法拘也六極五常解者不一以洪範六極五福釋之爲當順之則治逆之則凶卽彝倫敘亂之分也九疇洛書之事是以帝王由此理而行則治成德備充照六合而天下戴之以致民淳物阜忻樂太平上古三皇之治無以加之也按此答語似乎不應所問考其歸趨義自脗合治道躋乎上皇則君民各安其自然之分人事盡而天理可推則其運處往來之機不言而喻是所以答之之道也有上碧虛照張氏校本作在

上陳詳道

註亦然

商太宰蕩問仁於莊子。莊子曰：虎狼仁也。曰：何謂也？莊子曰：父子相親，何爲不仁？曰：請問至仁。莊子曰：至仁無親。太宰曰：蕩聞之，無親則不愛，不愛則不孝，謂至仁不孝，可乎？莊子曰：不然。夫至仁尚矣，孝固不足以言之。此非過孝之言也，不及孝之言也。夫南行者至於郢，北面而不見冥山，是何也？則去之遠也。故曰：以敬孝易，以愛孝難；以愛孝易，而忘親難。

有心易無心難

執不及孝之象

至仁無親之言



忘親易。使親忘我難。使親忘我易。兼忘天下

難。兼忘天下易。使天下兼忘我難。夫德遺堯

自外傳

舜而不為也。利澤施於萬世。天下莫知也。豈

直太息而言仁孝乎哉。夫孝悌仁義忠信貞

廉。此皆自勉以役其德者也。不足多也。故曰

屏棄

至貴。國爵并焉。至富。國財并焉。至願。名譽并

仁孝何原言不妄

焉。是以道不渝。

**通義**

大道之常太虛無朕有仁可名有孝可

見皆有心有跡已為道之一變故曰自勉以役其德也。過孝云者包括之謂不能盡仁則事其親必有所不足故曰不及也。忘者不係

念也人子能情如赤子不貽親憂親自忘我  
矣天下熙熙莫知帝力天下忘我矣至貴至  
富至願乃天之與我者性焉而已虛靈不昧  
萬有從出豈不貴且富哉內重而外自輕故  
爵財名譽忘之若棄孟子曰君子有三樂而  
王天下不與存焉是也莊子不悅於仁之問  
乃啓以道之常必也德遺堯舜而不爲

**虎狼**

利施萬世而物不知而後仁孝泯矣此

世俗以親愛爲仁者也故真人因其間而矯  
言之太宰疑其非仁遂問至仁答以至仁無  
親大哉斯言惜乎太宰不能領會終以親愛  
爲仁而又歸仁於孝不悟至仁之可尊孝固  
不足以言之謂之不及也宜矣南行而不見  
冥山喻親愛之遠於仁也敬孝主於貌愛孝  
本於心忘親則事親以適無所難矣使親忘  
我則不貽親念行無迹矣兼忘天下則與之  
俱化天下忘我則化亦冥矣猶春風時雨長

育萬物而不恃其恩此仁孝之至也故德遺  
堯舜而不爲其塵垢粃糠足以陶鑄堯舜也  
利澤萬世功蓋天下而不知其自己也如是  
則豈待數美而言仁孝哉蓋謂得其體則用  
不在言矣世以孝悌仁義忠信貞廉八者爲  
美德徒自困耳學而造乎道德則至貴至富  
至願足矣回視爵財名譽之可屏除猶以道  
德無爲而視夫八者之自役也此道亘古窮  
今未嘗有所變此所以爲至  
貴至富而人所至願者也

北門成問於黃帝曰帝張咸池之樂於洞庭  
之野吾始聞之懼復聞之怠卒聞之而惑蕩  
蕩我成默然乃不自得帝曰女殆其然哉吾奏之  
以人徵之一作徵以天行之以禮義建之以太清夫

至樂者。先應之以人事。順之以天理。行之以  
五德。應之以自然。然後調理四時。太和萬物。  
四時迭起。萬物循生。一盛一衰。文武倫經。一  
清一濁。陰陽調和。流光其聲。蟄蟄始作。吾驚  
之以雷霆。其卒無尾。其始無首。一死一生。一  
僨一起。所常無窮。而一不可待。女故懼也。吾  
又奏之以陰陽之和。燭之以日月之明。其聲  
能短能長。能柔能剛。變化齊一。不主故常。在  
谷滿谷。在阬滿阬。塗卻守神。以物爲量。其聲

春秋冬夏地理常度

揮綽其名高明。是故鬼神守其幽。日月星辰  
行其紀。吾止之於有窮。流之於無止。子欲慮  
之而不能知也。望之而不能見也。逐之而不  
能及也。儻然立於四虛之道。倚於槁梧而吟。  
目知窮乎所欲見。神力屈乎所欲逐。吾既不及  
已。夫形充空虛。乃至委蛇。女委蛇。故怠。吾又  
奏之以無怠之聲。調之以自然之命。故若混  
逐叢生。林樂而無形。布揮而不曳。幽昏而無  
聲。動於無方。居於窮冥。或謂之死。或謂之生。

或謂之實。或謂之榮。行流散徙。不主常聲。世  
疑之。稽於聖人。聖也者。達於情而遂於命也。  
天機不張而五官皆備。此之謂天樂。無言而  
心說。故有<sup>必遙</sup>歟<sup>反</sup>。氏爲之頌曰。聽之不聞其  
聲。視之不見其形。充滿天地。苞<sup>內</sup>裹六極。女欲  
聽之而無接焉。而故惑也。樂也者。始於懼。懼  
故崇。吾又次之以怠。怠故遁。卒之於惑。惑故  
思。思故道。道可載而與之俱也。

**通義** 樂由人心生者。人和而後天地之和應  
此樂之本也。故乾坤八風以樂而宣成。池之

樂非後世所得聞韶舞無傳僅存於齊況上古乎此殆方外天民或有聞其言而傳之者莊子挽世還淳之志不得慰又惜古德之不作故書此以寄無窮之心怪惕如曉曰懼非恐怖也心形坦蕩曰怠非惰慢也恍惚無稽曰惑非疑二也懼怠惑非一時所感蓋黃帝進德之階歸宿於愚其曰愚故道所以示道不在知識也不自得忘其心知也汝殆其然喜而訝之之辭猶曰汝乃能如此聽哉其間精義非余淺陋所能及不敢臆說此篇論樂全不及器正謂鐘鼓之音羽毛之容樂之末也

**義海**南華論道而舉黃帝張樂於洞庭之野蓋謂化物之速無過於道感人之切無過於樂然求至音於曠寂之中非樂道者不能也凡人聞道之初胷中交戰則始懼也少焉戰勝則似怠矣及乎情識漸泯懼怠俱釋然後造乎和樂復乎無知此入道之序也竊詳本

章三奏之義與齊物論三籟相參奏之以人行以禮義始乎有作也徵之以天建以太清漸近自然也四時迭運萬物循生陰陽調和流光其聲而不離乎文武經綸盛衰清濁之間此樂之初奏乎人籟也次奏以陰陽之和屬以日月之明其聲能短能長能柔能剛清谷滿阮以物爲量卽所謂地籟也終奏以無怠之聲調以自然之命充滿宇宙苞裹六極法天行之健而自然無間矣至是則達情遂命而視聽不以耳目非形非聲而有形形聲聲者存此天籟之妙也故若混逐叢生萬竅怒呬也林樂而無形卽所以怒呬者求之而不可得也布揮而不曳厲風濟也幽昏而無聲衆竅爲虛動於無方居於窈冥則入於不測之神故生死實榮散徙無常此凡人所疑而聖人之所考據也天機不張墮體黜聰也五官皆備存而不用也至於無言而心悅非天樂而何禮云大樂與天地同和人之道性



未有不<sub>自</sub>和樂而得者樂臻於和而天地應  
非人不能成也故此章借樂以喻道使學者  
知形氣交和至音潛暢無聲聞和物不仁乎  
金石絲竹之繁奏也末舉有焱氏之頌明至  
道至音有非視聽所能接是以卒之於惑惑  
故愚此猶顏子不可及之愚見聞知識一時  
都泯故道可載而與之俱也是樂也器非凡  
制音具先天至樂至和充滿天地絲竹莫寫  
晝夜常聞解使師襄懼而瞽曠驚土偶歌而  
木人舞然則咸池之妙豈在乎音聲律呂之  
間哉善聽者當不以耳而以心不以心而以  
氣則以虛合虛聽於無聽所樂者天其樂全  
矣太上云樂與餌過客止贊潛之下必有聞  
筮而作者吾將與之論樂焉太和當作泰和  
儻然當是倘然情悅自失貌焱氏一  
本作焱惚氏蓋太古無常帝王之號

孔子西遊於衛顏淵問師金曰以夫子之行

奚如。師金曰。惜乎。而夫子其窮哉。顏淵曰。

何也。師金曰。夫芻狗之未陳也。盛以篋衍。巾

以文繡。尸祝齊戒以將之。及其已陳也。行者

踐其首脊。蘇者取而爨之而已。將復取而盛

以篋衍。巾以文繡。遊居寢卧其下。彼不得夢。

必且數昧音美焉。今而夫子亦取先王已陳芻

狗。取引案弟子遊居寢卧其下。故伐樹於宋。削迹

於衛。窮於商周。是非其夢邪。圍於陳蔡之間。

七日不火食。死生相與鄰。是非其昧邪。夫水

在之。浩然齋。文

行莫如用舟。而主行莫如用車。以舟之可行

於水也。而求推之於陸。則沒世不行。尋常古

今。非水陸與。今事全周魯非舟車與。今新行周於魯。

是猶推舟於陸也。勞而無功。身必有殃。彼未

知夫無方之傳。應物而不窮者也。且子獨不

見夫桔槔者乎。引之則俯。舍之則仰。彼人之

所引。非引人也。故俯仰而不得罪於人。故夫

三皇五帝之禮義法度。不矜於同而矜於治。

故譬三皇五帝之禮義法度。其猶狙四命不物之證梨橘柚

邪其味相反而皆可於口。故禮義法度者應

時而變者也。五喻不知人今取援狙而衣以周公之服彼

必訖驚挽裂盡去而後慊。觀古今之異猶援

狙之異乎周公也。故西施病心而顰其一作

里其里之醜人見而美之歸亦捧心而顰其

里其里之富人見之堅閉門而不出貧

人見之挈妻子而去之走彼知美顰而不知

顰之所以美惜乎而夫子其窮哉

**通義**此篇六層設論大意只是因時制宜自皇

子子浩然齋通義卷五  
胡

夢蔽漸深也蘇爰芻狗夢魁自息下乃釋其  
故以見芻狗之常燬不可依棲也舟車言隨  
時枯槁言隨人相梨言當可此汎論也獲狙  
強以不欲言不能知人里噴炭跡失意言不  
能自知此直指孔子

以實其取窮之故

法度所以適時也而執迹則弊至此師金所  
譏夫子而惺其窮於商周之夢解其困於陳  
蔡之昧也而猶遑遑然覲復古於今行周於  
魯無異盪舟而求利涉之功宜其應物輒窮  
而至於死生相與鄰也倘能如枯槁之俯仰  
無心橘柚之甘酸可口則矣必強援狙以周  
公之服責里婦以西施之美哉無方之傳言  
古傳此道無有定方在任治道者相時施政  
使民宜之而已易曰窮則變變則通其師金  
之謂歟取弟子是聚弟子昧音米物入眼爲  
病於此說之不通陸氏音義載同馬云就也

音一缺切成法師疏直作

冤夢中怪也其論為當

想天命有此神印現在

孔子行年五十有一而不聞道乃南之沛見

亦見後 於是其曲許而不就正也

老聃老聃曰子來乎吾聞子北方之賢者也

子亦得道乎孔子曰未得也老子曰子惡乎

求之哉曰吾求之於度數五年而未得也老

子曰子又惡乎求之哉曰吾求之於陰陽十

有二年而未得老子曰然使道而可獻則人

莫不獻之於其君使道而可進則人莫不進

之於其親使道而可以告人則人莫不告其

兄弟使道而可以與人。則人莫不與其子孫。

道不可恃之族

政同

然而不可者。無他也。中無主而不止。外無正

何也

所以

而不行。由中出者不受於外。聖人不出。由外

所以

入者無主於中。聖人不隱名。公器也。不可多

取。仁義先王之遽廬也。止可以一宿。而不可

借路

以久處。觀而多責。古之至人。假道於仁。託宿

城

於義。以遊逍遙之虛。食於苟簡之田。立於不

只此是欲

無事

不貪

貸之圃。逍遙無爲也。苟簡易養也。不貸無出

也。古者謂是采真之遊。以富爲是者。不能讓

祿以顯爲是者。不能讓名。親權者。不能與人  
柄。操之則慄。舍之則悲。而一無所鑒。以閱其  
所不休者。是天之戮民也。怨恩取與。諫教生  
殺。八者。正之器也。惟循大變。無所湮者。爲能  
用之。故曰。正者。正也。其心以爲不然者。天門  
弗開矣。

**圖**此後四篇見孔子入道之漸。中無主云。  
云言志不專。則道不凝。外無法。則事不達。正  
倉政聖人不強聒。不自私。蓋以常人之情。有  
成心者。不能虛受。能受善者。其中必虛。虛則  
無往而非契道之地矣。此言孔子志非其志。  
中不能虛。所以道不凝也。觀而多責。一句上



下疑有缺文意言久處仁義則標榜成迹迹有可見則趨名趨利者皆因之而起責望之心也蔬食曲肱飯糗茹草苟簡也無所鑒以閱不休畧無懲創而役役於所務迷而不返也循大變則苦心志勞筋骨等意無所湮卽動心忍性增益不能意用之用八政也未二句諷孔子言凡人聞此而不信者其天德有蔽也不受於外無主於中何由而可得道乎

**真**

度數之學可以律歷考也陰陽之學可

以氣候推也道之爲體不關律歷不涉氣候所以於此求之而未得惟無心而任化者不期合而與之合非求索所得也使道而可獻至莫不與其子孫言道不可以有心傳不可以私意得也中無主謂內無其質故道不舍止外無正謂世無師匠故道不流行若郢人之於匠石則中有上外有正故能成其妙斷況至道授受之微神交心契於恍惚杳冥者乎夫聖人以道覺民猶天降甘露未嘗擇

地然非瓊瑛之器不能容受此不受於外  
主於中之謂也名多取則毀至而害生仁  
久處則迹見而多責至人所以假託之而  
滯迹故世間憂患無由及也以逍遙故無  
以苟簡故易養以不貸故無出則雖物迹  
前夫亦何事之有是謂采真之遊言不容  
毫私爲於其間如天之運出乎自然而生  
化化未嘗息此人之所以貴道之所以神  
而世俗皆以富顯權三者爲是而不讓操  
舍悲將無復逍遙之日矣此之謂不休而  
無所見以燭之是天刑之不可解也怨恩  
八者正之器惟正人能用不失宜如喜怒哀  
樂雖聖人不能盡無在乎中節耳循大變而  
無所湮謂富貴不淫貧賤不移威武不屈者  
是已已正而後器正器正斯可以正物其心  
以爲不然則是秦宇不虛何足以論道天門  
猶心之虛明心法  
如眼豈容有物哉

孔子見老聃而語仁義。老聃曰。夫播穽眯目。  
則天地四方易位矣。蚊虻噉<sub>子孟</sub>膚。則通昔<sub>反</sub>  
外不寐矣。夫仁義憊然。乃憤吾心。亂莫大焉。  
吾子使天下無失其朴。吾子亦放風而動。摠<sub>所路</sub>  
德而立矣。又奚傑然若負建鼓而求亡子者  
邪。夫鵠不日浴而白。鳥不日黔而黑。黑白之  
朴。不足以爲辯。名譽之觀。不足以爲廣。泉涸。  
魚相與處於陸。相响以濕。相濡以沫。不若相  
忘於江湖。

此旨屢見不復詳凡動情者不論小大皆足以亂自然之性負鼓求子不論得不得殊非父子相安之常道鴟鵂白黑不由浴黔以喻自然之質無取於好惡毀譽者令人莫然今世以响濡爲事者病在不

**論語**

孔子見老聃而語仁義無異道堯舜於

戴晉人之前故聃以播種群目蚊蚋嗜膚喻仁義之憤心蓋借是以鍼世人之膏肓使天下各得其渾然之真則化物也動之以風治身也玄德不失矣必傑然自標仁義之名以爲道之極致若建鼓以求亡子無由得之也夫鴟鵂鳥之質不待浴黔而白黑之實亦不必辯雖在衆人知之審矣至道博大不可名言今乃求之於仁義之譽何足以爲廣哉猶涸魚之相濡沫非不親愛視江湖相忘之樂爲何如然今世以濡沫微愛爲仁而不知聖人不仁爲仁之至也

孔子見老聃歸三日不談弟子問曰夫子見

老聃現而不合也

不自得也

老聃亦將何規哉孔子曰吾乃今於是乎見

龍龍合而成體散而成章乘乎雲氣而養乎

陰陽予口張而不能噤予又何規老老聃哉

子貢曰然則人固有尸居而龍見雷聲而淵

默發動如天地者乎賜亦可得而觀乎遂以

因

涉應二字相讀

孔子聲見老聃老聃方將倨堂而應微曰子

年運而往矣子將何以戒我乎子貢曰夫三

王五帝之治天下不同其係聲名一也而先

生獨以爲非聖人。如何哉。老聃曰。小子少進。子何以謂不同。對曰。堯授舜。舜授禹。禹用力。而湯用兵。文王順紂。而不敢逆。武王逆紂。而不肯順。故曰不同。老聃曰。小子少進。余語女。三王五帝之治天下。黃帝之治天下。使民心一。民有其親。死不哭。而民不非也。堯之治天下。使民心親。民有爲其親殺其殺。並所成反而民不非也。舜之治天下。使民心競。民孕婦十月生子。子生五月而能言。不至乎孩而始誰。指人姓名則

人始有天矣。禹之治天下。使民心變。人有心而兵有順。殺盜非殺人。自爲種而天下耳。是以天下大駭。儒墨皆起。其作始有倫。而今乎婦女。何言哉。余語女三皇。王誤五帝之治天下。名曰治之。而亂莫甚焉。三皇。王誤之知。上悖日月之明。下睽山川之精。中墮四時之施。其知惜於麀蠶之尾。平統龍結鮮規之獸。我爲其莫得安其性命之情者。而猶自以爲聖人。不可恥乎。其無恥也。彼自子貢楚楚然立不安。

情非以喪服爲言也。自爲一種而天下而字  
於字傳錄之誤也。言自立一種方法於天下  
非天生人道之所同也。作婦有倫而今平婦  
女言其立法之初亦自有條理。但法久弊生  
相煽成俗至於今則皆以順爲正。莫非妾婦  
之道矣。蓋丈夫者綱常之主。苟無自立之志  
而惟順從於人則婦女亦已曰婦。而又曰女  
女尤不能自立也。或訓婦其女禽獸之行。此  
豈聖賢所忍言。天下古今亦豈有此俗哉。  
孔子見老聃歸而不談目擊道存不容  
聲矣。龍之成體成章乘乎雲氣養乎陰陽則  
動靜不失其時德澤足以及物而神化不測  
者也。故古論聖人神人者皆以龍爲喻。非夫  
子不能形容聃之德。非聃不足以當夫子之  
喻。然三聖人者皆人倫之至。顯仁藏用更相  
發明無容優劣於其間也。尸居龍見則冥冥  
而見曉淵默雷聲則聞於無聲。發動如天地



陰陽同運也。此子貢贊仰老聃之德，所以願見之。老聃方將偃坐於堂，發然入寂寂而常應，應出微眇之間也。子貢謂三王五帝之治不同，皆係名聲於天下，自使心一以致使民心競，則知世道愈降，人心日虧矣。親死不哭，殺其親，服此猶禮文之器，未甚害事也。十月生子，子五月能言，則受化速而民始夭，有心欲順人，自爲種而天下駭矣。原其作始，未嘗無倫，而卒未嘗有倫，以其求治太過，不度物情，強天下之從己，是乃亂之招也。復何言哉？夫三王之知離性未達，然猶待日月墮山川而惜於蠶蠶之尾，使蟲獸不安，其性命之清則其名聲可知。況後世任情識而恣知巧者乎？是豈足以語天治國不以知之福哉？

孔子謂老聃曰：丘治詩書禮樂易春秋六經，自以爲久矣，熟知其故矣。以奸者七十二君

論先王之道。而明周召之迹。一君無所鉤用。

甚矣。夫。人。之。難。說。也。道之難明邪。老子曰。幸

矣。子之不遇治世之君也。夫六經先王之陳

迹也。豈其所以迹哉。今子之所言。猶迹也。夫

迹履之所出。而迹豈履哉。夫白鵠之相視。眸

子不運而風化。蟲雄鳴於上風。雌應於下風。

而風化。類自爲雌雄。故風化性不可易。命不

可變。時不可止。道不可壅。苟得於道。無自而

不可失焉者。無自而可。孔子不出三月。復見

曰丘得之矣。烏鵲鵒文一尾魚傳沫口吐氣細要者化有第至於人

而况啼久矣夫丘不與化造為人徒不與化為人

安能化人。老子曰可。丘得之矣

**道**知迹之非履則經不足恃矣知言之非

道則內省當豁然矣物生相感性不盡同亦

猶人性剛柔昏明不可以禮法易窮遇壽夭

不可以知術變如時運流行不能挽而止此

大道不當起是非以成執滯也順自然者無

往不達不然道斯壅矣烏鵲與魚與無腹之

蟲生生不已人生乃有相妨之怨不若三物

順性命而無我也此句正起丘之為人不能

與造化為徒而役役於時日見相妨而怨其

不鈞用之意安能化人言有我則形骸角立

豈能使人相忘於道化邪前章見孔之許老

此見老之許孔二聖之心二聖者自知之

蟬故風化是所謂兩情相搏而神應之陰陽  
相求自然之理故性命不可易時道不可壅  
也烏鵲乳至有命而兄啼四句乍讀難通熟  
究其義化理甚博蓋胎卵濕化備見其中而  
人弗察耳夫天地盈虛之理造化消長之機  
雖默運於無形悉由四生發見四生之中人  
爲之主億兆之中聖人爲主聖人者與化爲  
人知化則知天矣故是篇終於論化自非官  
天地府萬物而獨運乎亭毒之表安能化人  
哉太上云我無爲而民自化觀夫鵬蟲之風  
化烏鵲之孚乳魚之傳沫蜂之祝子皆出乎  
自然之性成以專定之功此感彼應不可致  
詰故謂之化人爲最靈其化又有妙於此者  
亦不越乎自然之理專定之功耳故中庸云  
唯天下至誠爲能化以孔子之聖猶齋心三  
月而後得聞則大化  
之妙豈容輕易哉

褚氏總論本篇以天運地處啓論端設問  
日月風雲流行之故答以六極五常三皇  
之治體天運而行德教故無爲而化民樂  
自然次論至仁無親至貴屏爵行其無事  
亦法天運之義也至於論洞庭之張樂明  
大道之淵微奏以陰陽行以禮義天人相  
因立極之本也調理四時泰和萬物寒暑  
協序生化之原也動無方而居窈冥天機  
停而五官脩則隨物潛藏觸處發見不可  
以形拘聲盡而天遊所到無非至和希聲  
所存無非至樂也若無治道比已陳之芻  
狗法度猶相反之粗粲後徂裂罔公之衣  
醜婦效西施之笑此明夫政治貴乎適宜  
烹鮮在於不撓爲人上者信能體道法天  
與化同運節以鼓舞時其濡澤長養而熟  
成之民惡有不化者哉仲尼見老子嘆其  
猶龍則以人合天未至於俱化泊聞淵雷  
之妙遂棄六經陳述而究其所以述不

三月與化爲人則迹同乎人而體合乎天  
矣易曰天行健此其所以爲運精氣爲物  
遊魂爲變此其所以化也歟吁一陶能作  
萬器無有一器能作陶者以其非形然後  
能形形以其非物然後能物物  
天地聖人之德亦若是而已矣

莊子外篇第五卷終